

محل مطبعه و اداره :

جفـال اوغـلنـسـده امنـيت

صندوغي جوارنده

شنكول يقوشنده

۲۲ نومرو

# مُسْتَقْبَلُ قُرْبَانِ

۱۳۲۶

افطار :

مسلكمزه موافق آثار

جدیه مع الممنونیه

قبول اولنور

درج ایدلمهین آثار اعاده اولنماز

دینه ، فلسفه ، علوم ، حقوق ، ادبیات ، تاریخ ، و سیاسیات و بهالخاصه احوال و مشورہ اسلامیه و بحث ایدر و هفته ده بر نشر اولنور .

صاحب و مؤسسری :

آبونه بدلی

ابوالعلا زین العابدین - ح . اشرف ادیب

تاریخ تاسیسی

۱۰ تموز ۳۲۴

سنه لکی

غروش

۳۵

۶۵

ممالک عثمانیه ایچون

روبله

۳۰۵

۶۰۵

روسیه

فرانق

۹

۱۷

سائر ممالک اجنبیه

در سعادتده نسخہ سی ۵۰ پاره در

قیرلهدن مقوا بورو ایله کوندریلیرسه سنوی

۲۰ غروش فضلہ آلنیر

عدد : ۱۱۵

۱۵

ذی القعدہ پنجشنبه ۴ تشرین ثانی ۳۲۶

بشنجی جلد

## مکاتیب

پکینده :

### پکینده کی مسلمان مکتبلرک باشلرینه کلان فلاکت

پکینده درت مکتب واردر . بومکتبلر پکین مفتیسی (واو وان) اخوندک در سعادت کیدوب خاقان سابقک التفاتنه مظهر اوله رقی ایکنجی نشان عثمانی ایله تزیین صدر ایده رک پکینه عودتنده تأسس ایتشدی . دیمک بونلرک حیاتی اوج سنهک بر مدت قلیهدن عبارتدر . نشان ذیشان عثمانیک حرمت وهیبتنه اجلالاً اعانه جمعنه تشبث اولمش ، نهایت الامر موفق اولمش درت آی ظرفنده بر مکتب ابتدائی ایله بر مکتب رشدی انشاسنه موفقیت حاصل اولمشدر . فقط مکتبلر یکی اصول قاعده سنه توفیقاً لوحه لر و صندالیه لر ایله ترتیب و تمیق اولمشدی . ورسم کشادلی غایت مظنن صورتده اجرا اولمشدی . فقط مکتبلرک شو حال وقیافتی پکینده کی اوتوز ایکی جامعک اماملرینی و خطیب و علماسنی و مؤذن و خدمه لرینی صوکه درجه اغضاب ایدیور ایدی . صوکره (شنشن) دیمکه باشلادیلر . شنشن دیمک جدید دیمکدر . کنیدیلرینک تفسیرینه نظراً حدوئو ، یعنی بدعت دیمکدر . بو حدوئو مسألله سی یواش یواش اطرافه یابلدی . توجیه ده بدعت وار دیه هر کس قیزمش ، سوکنیورلردی ،

فقط مفتی حضرتلری هیچ کنندی بیلدیکندن شاشمیوردی ، طوغری مقصوده یورووردی . ایکی مکتب ایچون چین لسانی و علوم جدیدیه وقوفی اولان معلملر آاندی ، ولازم اولان خدمه بی ده الحاق ایتدیلر ، هر نه ایسه مکتبلر کشاد اولندی معلملری دخی درسه مباشرت ایلدیلر ، لکن مکتبلرک واردات و معاش ویره جک بر منبجی یوقدی ، نه یایسونلر ، دوشوندیلر ، طاشندیلر ، نه یابالم بر پیانقو احداث ایده لم دیدیلر . لکن حکومتک خبری یوقدی . نهایت آیده درت بوز ریال حاصلات ویره جک التي بیک پیانقو بیلتی چیقاردیلر ، فقط عالما بوکاده قارشی کلدی : ربا فائض ، حدوئو حرامو دیه سب و شتم و کفر وهذیان ایله مشجون مکتوبلر ، امضاسز اوله رقی ورود اتمه یه باشلادی فقط ینه واو وان آخون راه مقصوده طوغرو ، یمین وشمالدن کلان کوراتی یه قولاق آصمیه رقی ایلرولیوردی . پیانقو حاصلات تندن خادمین و صالحه و طواتسی مکتبلرینک احتیاجات ضروریه لری و معلملرک معاشاتی تسویه اولتیوردی . حتی واو وان اخوندک عموجه سی بی (برنجی معناسنه) آخون جنابلرینه دخی حق السکوت اوله رقی یکرمی ریال ویریلیوردی . زیرا بو ملت ، رشوتسز بر شی پایه ماز ... نهایت علمانک قیل و قالی چوغالدی . اصحاب عمائم اولان فضلالی کرامک دلالت خیریه سیله حکومت وثیه یه اشعار کیفیت اولندی ، حکومت وثیه علمای اسلامیهدن دها منصف ایمش که پیانقوی منع جهتیه کیتمدی ، یالکنز بر اخطارده بولندی ، پیانقو باتنده ، شو عباره محررلی :

(سی پیانو) . مخناسی ایمپراطورک مساعده سیاه احداث اولمش و پیانقو دیمک ایمش ، شو عباره بی قالدیریکزده نشر ایدیکنز ددی ، بزم مسلمانلر ایسه پکی او عباره بی قالدیریرز ، دیمشدر ، فقط ینه قالدیرمدیلر اوله جه چیقارمیه دوام اولندی . ینه علماء فحول سکوت ایده مدی ، حکومته اخبار ایتدیلر ینه حکومت تنبیه ایتدی حالامفتی اصرار ایدیور ، دشمن هیچ سکوت ایدرمی ؟ ینه ژورنال ویریرلر . زواللی مکتبلرک قوت لایموت اولان منبع وارداتی (تناتا) منع و پیانقو آلات و ادواتی مصادره ایدرلر معهد علم الصینی الاسلامی اولان مکتبلر صاغه وصوله باقرق محزونانه ، و منکوس الرأس بر حال پریشانده قالیویریرلر ؛ علماء متبحرین آراق غایت مسرور اولمشلر انالله وانا الیه راجعون ، یاناس عبره ، یخربون بیوتهم بایدیم . . . . . ماذا تقول ؟ . لقد سمعت لونا دیت حیا ، ولکن لاحتات لمن تنادی شیمدی اشرفدن اوج ذات محترم اتی یوز ریال اعانه اعطاسیله مکتبلرک امدادینه ایتشدی ؛ ایشته بو پاره ایله بزم بولندیغمز مکتبلرک حوایج ضروریه لری دفع ایدیور سائر مکتبلر ایسه عن قریب نسیا نسیا اوله جق .

حمد اولسون علوم دینییه مکتبته زیان و ضرر کلادی . زیرا بونک وارداتی مکتبلره مربوط دکل ، فقط علوم دینییه یرینه ده یکی اصولسی بعض لوحه لر و تخته لر موجود اولدیغندن معاذالله پک مستکره کورپیورلر باخصوص تجویدلی قرآن کریم او قونمه سنی هیچ ایسته میورلر . کچلرده بر نبذه اخبار ایتدیکم جمعیت اسلامییه دخی طاغلدی زیرا بویله جمعیتلر بدعت و حدوئو ایمش ، رحمة الله علی اسلام الصین ، باقکنز شمدی چین مجلس مبعوثانی احضار ویدی سنه یه قدر سیاسی آدملر یتشدریمک اوزره اوج بوز کیشی یه بالغ بر جمعیت واردر . ایچنده بر فرد واحد مسلمان یوقدر فقط مجلسک اتمام واکمالی یدی سنهدن صوکره ختام اوله جق ایمش ، انشاءالله یدی سنه یه قدر سیاسی بر مسلمان بولورلر ! . . .

علی رضا

پکین

### صراط مستقیم غزته سی اداره خانه سنه

بوکون صحائف تواریخ عالمه عطف نظر دقت اولتور ایسه عنعناتی ایله بزه اثبات ایدرکه ایران دنیلن قطعه وسیعه بروقتلر سد چیندن برالمصره قدر اولان ممالک وسیعه دنیا یه فرمانفرما اولان حکمداران عظامک ممالکنه تسمیه اولنور ایدی . اصل ایرانیلر که بوقطعه نک وسطنجه کائن اولانلر یعنی شیمدیکی ایران ممالکنک اهلایسی در . طبعاً مفظور اولدقلری شجاعت و جنکاورلک سایه سنده دائماً کنندی سنجاقلری آلتنده یشامغه آیشمش و شیر خورشیددن بشقه بر دولت اجنبیه نک سنجانغی آلتنده اوزون مدت یشامه شلدر .

قرون اولی و وسطی ده بر طرفدن اسکندر ، بر طرفدن جنکیز استیلاسی و دیگر طرفدن طوائف ملوک تغلی او مهد علیای علما